

Universitätsbibliothek Paderborn

Ioannis S. R. E. Cardinalis Bona Opera Omnia

Tribus Tomis comprehensa

Opuscula Spiritalia - I. Horologium Asceticum. II. Principia Vitae
Christianae. III. Manuductio ad Coelum. IV. Via Compendii ad Deum. V. De
Sacrificio Missae. VI. De Discretione Spirituum ... Operum Eminentiss.
Cardinalis, Tom. I

Bona, Giovanni

Parisiis, 1677

§. 17. Filii Dei sumus, & ejus spiritu vivendum nobis est

urn:nbn:de:hbz:466:1-9969

§. XVII. *Filius Dei sumus & ejus Spiritu vivendum nobis est.*

Si quis hoc animo percipere posset ac jugiter meditaretur se filium Dei esse pretioso Christi sanguine redemptum & in spem vitæ æternæ regeneratum, hanc solam nobilitatem in pretio haberet, nihilque terrenum sapiens, sola æterna ac divina mente revolveret, & ad Patrem semper aspirans sic vitam instituere satageret, ut talem filium decet. Sicut in theatro, qui regis personam agit, tametsi aëlio illa inanis sit, & ad vanam otiosæ plebis delectationem inventa: serio tamen curat, ne quid agat, aut dicat, quod Regis dignitatem dedebeat: quanto magis Christiani, qui mortem Domini annuntiant, donec veniat, totis viribus eniti debent, ne quid Christo indignum in verbis & operibus suis appareat? Quemadmodum pictor ut præclarum opus efficiat, nunquam ab exemplari, quod sibi imitandum proposuit, oculos & mentem avertit: ita Christianus in omni actione, & sermone perfectissimam Christi vitam, & mores tanquam prototypon numeris omnibus absolutum sibi ante oculos ponere, & sic operari, sic loqui, sic vivere debet, ut nunquam ab ejus exemplis declinet. Qui enim dicit se in Christo manere, debet sicut ille ambulavit & ipse ambulare. Spiritus, qui dominatur in nobis, spiritus Adæ est, per quem redacti in servitutem diaboli, nobis ipsis propriisque commodis firmiter adhæremus. Quia verò naturâ filii iræ sumus, si ipsam naturam sequimur, omnia opera nostra ex voluntate sathanæ, qui nos durissima servitute premit, perficientur. Ab hac autem captivitate Christi sanguine liberati ex gratiæ principiis operari debemus, ejusque corpori inhærere, cuius membra facti sumus. Adam primus homo de terra terrenus fuit, Christus secundus homo de cœlo cœlestis. Igitur sicut portavimus imaginem terreni, portemus & imaginem cœlestis. 1. Cor. 15. 47. Sollicitè caventes, ne qui Christiani dicimur, tanti nominis dignitatem pravitate nostra perdamus. Si quis spiritum

Christi non habet, inquit Apostolus, *hic non est eis. Rom. 8.*
 9. Hic autem spiritum Christi habere dicitur, cuius vita
 interior & exterior vitæ Christi similis est, qui ad ejus e-
 xemplar mores suos componere, atque ita loqui, & ope-
 rari studet, sicut locutus & operatus est Christus. Idem
 alibi moneret, ne ambulet homo secundum hominem ac
 si diceret noli ambulare secundum hominem: sed secun-
 dum eum, qui fecit hominem: noli deficere ab eo, qui fe-
 cit te, ut spiritu ejus imbutus filius Dei efficiaris. Filius
 autem Dei esse non potest, qui à spiritu Christi alienus est.

§. XVIII. *Iustus ex fide vivit.*

Quod radix arbori, quod fundamentum ædificio,
 quod rivulis fons, id vitæ Christianæ cæterisque vir-
 tutibus est fides, sine qua impossibile est placere Deo.
 Ideo ab illa Christianæ institutionis exordium sumendum
 est, dicit enim scriptura, *Iustus ex fide vivit. Rom. 1. 17.*
*Quæ de sapientia, ejusque laudibus, & excellentia ma-
 gnicis verbis in sacris libris scripta sunt, Sap. 7. Job. 28.*
 ad fidem pertinere, & res ipsa docet, & omnium sapien-
 tum consensus evincit. *Onne aurum in comparatione illius
 arena est exigua, & tanquam lutum estimabitur argentum
 in conspectu illius. Infinitus thesaurus est, quo qui usi sunt, par-
 ticipes facti sunt amicitiæ Dei. Emanatio est claritatis omni-
 potentis Dei, candor lucis aeternæ, speculum sine macula mar-
 jestatis Dei, & imago bonitatis illius.* Hæc docet nos om-
 nem veritatem ostendens animæ quid se stari, quid dili-
 gere, quid fugere debeat. Docet nos bona hujus mundi
 mala esse, & mala bona, si patienter tolerentur. Docet
 contemni oportere quicquid corporeis oculis cernitur,
 quicquid sensus attingit. Ab illa discimus Deum, & nos
 ipsos cognoscere, in qua notitia salus, & perfectio nostra
 consistit. Ipsa ab erroribus insanæ multitudinis ereptos ve-
 ra nos Sapientia imbuuit, & in auram veræ libertatis à sæ-
 culi captivitate educit. Discrepant toto cœlo, mundi hujus
 & fidei principia: cumque Christus, à quo fidem accepi-